

BIBL. NAZIONALE
CENTRALE-FIRENZE

1 2 4

20





124
20

Quaestiones Quintilianae.

Disputatio critica **F. Meisteri**, programmati academiae
equestris Lignicensis praemissa.



a. MDCCCLX.



124
20

De fontibus Quintiliani quum animum induxerim diligentius quaerere, intinm mihi ab iis locis scriptorum ad nostram aetatem servatorum, quos ipse in praeclaro opere de institutione oratoria laudavit, duceudum esse existimavi. In his enim quum ejus vestigia sequi atque, qua ratione ad eos accesserit, quanta judicii sinceritate eos legerit, qua denique religione reddiderit, ipsi dijudicare possumus, quanta ei habenda est fides, aut ubi scripta commemorantur, quae temperum importunitate perierunt, aut ubi, ex quo fonte hauserit, non indicat, certius faciliusque colligere licebit. Quod ut recte possimus facere, hi ipsi loci diligentissime inter se comparandi sunt, ut, quod discrimen inter eos intercedat, utrum ab auctore, an a Quintiliano, an a librario quodam profectum sit clarum appareat: quod a plerisque interpretibus fere neglectum, ne a Spaldingio quidem, qui egregiam in explicando Quintiliano operam collocavit, pari ubique subtilitate quaesitum esse video.

Iam vero, quam sit operosa ea disputatio, quum omnes cujusque loci codicum varietates percensendae sint, quam difficilis, quum libri mscr. maxime inter se dissentiant et deterrimus quisque antiquissimis temporibus sit correctus, quam ambigua, quum aliquando etiam de iis, quae neque librorum auctoritate, neque acumine decerni possint, agendum sit, quamquam ipse non ignoro, tamen hanc ipsam comparisonem nonnihil ad Quintiliani textum et comprobandum et restituendum conferre posse ratus, non dubitavi alacri animo rem suscipere, quae, id quod Quintilianus de grammatica proficitur, plus habet in recessu, quam fronte promittat.

Unde autem libentius incipiamus, quam ab Homero, quem tunc quoque in scholis lectitatum et explicatum esse ipse dicit (I, 8, 5.), a quo non solum poesis summum fastigium acceperit (XII, 11, 26.), sed qui etiam omnibus eloquentiae partibus exemplum et ortum dederit (X, 1, 46.), in quo nullius non artis aut opera perfecta aut certe non dubia vestigia reperiantur (XII, 11, 21.)?

Sed non mihi in animo est omnia ejus de poeta celeberrimo judicia repetere, quum non solum, quanta verecundia eum colerit ipse, testantur, sed etiam accommodatissima videntur ad animos juvenum, quibus hoc opus destinatum erat, et arripiendos et permovendos. Neque meum est de omnibus locis, in quibus Homeri mentionem facit, disserere, sed de iis potissimum, in quibus ipsius poetae verba utitur.

Ac primum quidem pauca de VIII, 4, 24. dicenda sunt, ubi, quum ex instrumentis quoque horum magnitudinem aestimari posse exemplis e Vergilio et Cicerone sumtis comprobetur, verba:

Huc pertinet clipeus Ajacis et Pelias Achillis (Iliad. VII, 219. XVI, 140.) perperam inseruntur. Etenim, quum reliqua exempla non solum optime electa sint, sed etiam ipsa verba Vergilii et Ciceronis, e quibus hoc perspicitur, repetantur, ea, quae praecedunt, durius videntur dicta esse atque incommode contextum orationis interrumpunt. Ea igitur, a docto aliquo librario primum in margine notata, mox in textum recepta, quamvis omnibus codicibus comprobentur, delenda esse suspicor.

Inde transeo ad locum difficillimum atque ex parte quidem depravatam, qui legitur XII, 10, 64. ubi Quintilianus de geueribus dicendi disputans, Homerum eam dividendi rationem, quam plurimi auctores secuti sint, primum inisse exemplis Menelai, Nestoris, Ulixis ostendit. Sunt autem verba haec: *Nam et Homerus brevem quidem cum jucunditate et propriam, id enim est non deerrare verbis, et carentem supervacuis eloquentiam Menelao dedit, quae sunt virtutes generis illius primi; et ex ore Nestoris dixit dulciorem melle profluere sermonem, qua certe delectatione nihil fingi majus potest; sed summam aggressus in Ulixe facundiam magnitudinem illi junxit; cui orationem nivibus hibernis et copia verborum et impetu parem tribuit.*

Non alienum videtur utriusque scriptoris verba inter se comparare. Menelaus describitur Iliad. III, 213—215. videmus igitur *brevem cum jucunditate eloquentiam verbis*

παῦρα μὲν, ἀλλὰ μάλα λιγύα, ἐπεὶ οὐ πολέμηθος, propriam, id enim est non deerrare verbis illi ἀμαρτυροῦντες, denique carentem supervacuis optime respondere ἐπιτροχάδην. Ita igitur Quintilianus *ἐπιτροχάδην* intellexit, nos potius Doederlinium sequemur, qui in Glossario II. p. 175. vulgari huius interpretationi repugnans, vehementer, tumultuose id significare ostendit, vocabuli originem ducens a verbo *ἐπιτρέχειν, ἐπιδραμῖν, ἐπιδορεῖν* i. e. incur-sare, invehi.

Simplicissimum est, quod de Nestore dicit, nempe versus Iliad. I. 249.

τοῦ καὶ ἀπὸ γλώσσης μέλιτος γλυκίων ἦεν αὐδῆ.

in his: *et ex ore Nestoris dixit dulciorem melle profluere sermonem* paene ad verbum redditus est.

Sed libentissime versatur in describendo Ulixe, in quo Homerum oratoris simulacrum quoddam praeformasse putat. Etenim XI, 3, 158. eum *stetisse oculis in terram defixis immotoque oceptro* dicit, quae fore ex Iliad. III, 217. 218. translata sunt: hoc autem loco liberius agit, nam versus 222. 223.

*καὶ ἔηνα νηράδεσσιν ἰοικότῃ χεμερίζων,
οὐκ ἂν ἔπει' Ὀδυσσεύϊ γ' ἱρίσαιμι βροτῶς ἄλλος.*

explicantur his: *orationem nivibus hibernis et copia verborum et impetu parem. Cum hoc igitur nemo mortalium contendet.* Offendant fortasse, quae sequuntur: *hunc ut deum homines intuebuntur, quippe quae in illa quidem descriptione desiderantur.* Sumta autem sunt ex Odys. VIII, 173. ibique dicuntur de viro, qui eloquentia omnium, qui audiunt, animos sibi devincit, ut facile exiguum ejus formam excusent: illum igitur versum Quintilianus in hanc Ulixis descriptionem paullo liberius quidem, sed aptissime transtulit.

Quae modo consideravimus, sine ulla offensione leguntur, jara vero in iis, quae sequuntur,

maxima eodd. varietas invenitur, etenim Turic. Guelf. Flor. ea sic exhibent: *sed summa regressus est inutilis* (Guelf. inutile) *facundiam et magnitudinem illi vicisset*. Par. I. II. *sed ad summam regressus est in Ulyse facundiam*, paullo post illi *vicisse*, Par. II. a sec. m. illi *junxit*. Camp. *sed ad summam regressus est in Ulyse facundiam et magnitudinem illi vicisse*. Jens. *sed si in mare gressus esset ut in Ulyse fac. et magn. illi junxisset*. Recepta primum in Badii editione (Parisii 1520.) reperitur haec: *sed summam aggressus, ut in Ulyse facundiam, magnitudinem illi junxit*. Buttmannus quidem ut delevit et recte pro *Ulyse Ulyse* scripsit: sed ne ita quidem locum prorsus sanatum esse arbitror, equidem *et* ante magnitudinem restituerim et ex corrupto illo optimorum librorum *vicisset* eruendum esse censeo *asciit et*.

Quae sequuntur, Turic. Flor. Guelf. Par. I. II. ita exhibent: *cum orationi similibus et copia*, Camp. *cum oratione simili nimbus e. c. Goth. cum orationi n. h. e. c. alii receptae favent*, quam ut sinceram esse putem, tantum abest, ut servata quam maxime optimorum librorum scriptura legi malim: *rim orationi similem nivibus hibernis et copia verborum et* (ita Buttmannus pro *atque*) *impetu tribuit*, omisso igitur verbo *parem*, quod in textum receptum est, postquam *similem* exeidit: ut totus locus ita videatur scribendus esse: *sed summam aggressus in Ulyse facundiam et magnitudinem illi asciit et rim orationi similem nivibus hibernis et copia verborum et impetu tribuit*.

Conferre liceat simillimum locum apud Plinium epist. I, 20. qui non solum iisdem Homeri exemplis nititur, sed etiam de Pericle ita ut Quintilianus in ea, quae sequitur, paragrapho disserit, ut facile hunc ei locum non ignotum fuisse suspicari possis. Ibi autem §. 22. ita pergit: „Nec vero, cum haec dico, illum Homericum ἀμειροπῆ probō, sed hunc

καὶ ἔπειτα γυγᾶδιον διὰ τὴν χιμειροπῆν

non quia non et ille mihi validissime placeat,

παῦρα μὲν, ἀλλὰ μάλα λυγρῶς

si tamen detur electio, illam orationem similem nivibus hibernis, id est crebram et adsiduum et largam, postremo divinam et caelestem, volo.“

Praeterea conferenda sunt, quae Gellius (noct. Attic. VI, 14, 7.) de eadem re scribit: „Sed ea ipsa genera dicendi jam antiquitus tradita ab Homero sunt tria in tribus: magnificentum in Ulyse et ubertum, subtile in Menelao et cohibitum, mixtum moderatumque in Nestore.“

Reliqua brevissime absolvi possunt; etenim V, 12, 14. referendum est ad Iliad. IV, 299. VIII, 3. 84. ad Odysse. XI, 523. VIII, 4, 21. 22. ad Iliad. III, 139—165. IX, 3, 57. ad Iliad. II, 100—108. X, 1, 46. ad Iliad. XXI, 196. 197.

Iude jam ad Hesiodum transimus, cujus mentio facta est I, 1, 15. et V, 11, 19. In his locis non tam ex verbis, quam e re non mediores difficultates enascuntur, de quibus, quum novi quidquam afferre non possim, prorsus tacere malim.

Pindari duo fragmenta, quae nunquam alibi reperiuntur, a Quintiliano memoriae prodita sunt. Alterum invenitur VIII, 6, 71. (apud Boeckhium fr. 22. III, II, p. 566.), cum quo de argumento conferenda sunt Nem. IV, 26. Isthm. V, 29. Quod Quintilianus haec legi dicit in libro, quem

Pindarus inscripserit *ἔμρον*, quod igitur ipsum suos libros digessisse putavit, hoc Boecklius (Praef. Schol. II. p. X.) latinorum scriptorum inscitiae condonandum esse contendit, quum Pindari carmina ab Aristarcho disposita esse constet.

Alterum, X, 1, 109. (apud Boeckhium fr. 288. II. II. p. 685.) *Non enim pluvias aquas colligit, sed vivo gurgite exundat*, lepidissime a Quintiliano ad Ciceronem translatus est. Prorsus autem mihi persuasit vir doctissimus haec non posse referri ad Nem. X. init. quae fuit Capperonierii aliorumque sententia. Ibi quidem pluviae aquae commemorantur, quibus alius indigeat, quum alius vento, alius vero hymnis indigere videatur: alia autem nulla inter utrumque locum existit censensio, ideoque fragmentum esse censebimus, quod aliunde non est notum.

Euripidis quoque versum (Hec. 816.) interpretes ad I, 12, 18. laudari arbitrantur, ubi oratio *regina rerum* appellatur; conferendum cum his, quod apud Ciceronem de orat. II, 44, 187. legitur: *flexaniam atque omnium regina rerum*; his etiam minus respondere graeca verba *πυθὶ δι τῇν τίραν ἄνθρωπος μόνην* non est difficile ad intelligendum. Magnopere etiam offenderet, quod Cicero Euripidem *bonum poetam*, Quintilianus autem *non ignobilem tragicum* nominaret. Haec autem non tam Euripidi, quam Pacuvio tribuenda esse postea videbimus.

Aristophanes non raro commemoratur, saepius (II. 16, 19. XII, 10, 24. 65.) ejus judicium de Periclis summu in dicendo vi atque facultate in medium profertur, ita tamen, ut res, tanquam notissima iis, qui legant, breviter tantum indicatur atque modo XII, 10, 65. Aristophanes auctor ejus judicii nominetur. Conf. de hac re Acham. 530. 531. quo loco Scholiasta paucos Eupolidis de eodem Pericle versus laudat, quos Quintiliano notos fuisse et X, 1, 82. manifestum est. Verba ipsa notissima et saepius a latinis scriptoribus repetita sunt, apud Ciceronem Brut. 9, 38. 15, 59. de orat. III, 34, 138. graeca verba inveniuntur apud Plinium epist. I, 20, 17.

Praeterea conf. ad I, 10, 18. Equit. 188. 189. Nub. 193. Ran. 728. ad II, 16, 3. Nub. 98, 99. 112—118. 889—1104.

Saeppissime laudat Platonem atque ex tota laudandi ratione non solum optime in scriptis praecelni philosophi cum versatum esse, sed etiam summa diligentia omnia ejus opera legisse atque inter se comparasse clare perspicitur: Namque et II, 15, 24. eos vituperat, qui „paucam e Platone u prioribus imperite excerpta legere contenti neque hoc totum neque alia ejus volumina evolvant atque in maximum errorem incident,” et id, quod monet II, 15, 5. quam diligenter non solum legerit ipse, sed etiam ab adolescentibus legi velit, argumento esse poterit.

De paucis tantum locis copiosius disputandum erit: etenim III, 1, 11. offendit interpretes, quod de Theodoro Byzantio disserens, his verbis usus est: *ex his et ipse, quos Plato appellat λογοδιδάσκον*. Negant enim plura hic locum esse, quoniam apud Platonem in Phaedro p. 266. E. singularis reperitur et solus Theodorus intelligendus sit. In libris manu scriptis nihil est auxilii, quippe in quibus haec sola scripturae varietas sit, quod Turic. et Ambr. I. alique *λογοδοιδάλο*, latinis literis reddunt. Neque persuasit mihi Spaldingius, qui aliquot nomina apud Platone excidisse putat. Dicat aliquis Quintilianum memoriter laudantem memoria lapsu esse: sed ne hoc quidem mihi necessarium esse videtur. Equidem potius huic et per se apte dicta esse et apte cum Platone

conciliari posse contenderim. Etenim Plato, quamquam solum Theodorum *ῥηγορῶντα* appellat, tamen, quia paullo post ad alios transit, qui in eodem fere numero fuerunt, non huic nri tantum, sed compluribus hanc dignitatem videtur tribuisse; jure igitur Quintilianus ita, ut dixit, dicere potuit. Spaldingii autem acerrimo judicio in iis, quae ad III, 1, 10. notavit, plane assentio, qui egregie Quintilianum errasse ostendit, quod Platonis *Ἐλεατικὸν Πυλαμίδην* (Phaedr. p. 261. D.) Alcideamantem, Elea, urbe Aeoliae, oriundum, Gorgiae discipulum, esse putet, quum Zenonem potius intelligendum esse e Diogene Laertio perspicitur. Complura praeterea e Phaedro repetita sunt et conferenda videntur p. 261. ad II, 15, 29. 31. p. 261. A. ad II, 21, 4. p. 274. 275. ad XI, 2, 9.

Sophistes semel tantum III, 4, 10. laudatur, atque unum verbum et graece et latine inde refertur (p. 222.).

Ad Symposiū p. 218. 219. comparandum est VIII, 4, 23. ubi de ratiocinatione disserens, optime hae Platonis narratione usus est.

Denique, ut reliqua omittam, transeo ad VIII, 6, 64. nbi Quintiliann Dionysium Halic. p. 223. (ed. Goeller.) et Diogenem Laert. III, 28. secutus, Platonem compositionis diligentissimum fuisse lepidissimo exemplo demonstrat. Agit enim de collocaione verborum in *Pirarum se decendisse*, quae in ceris Platonis plurimis modis scripta inventa sunt. Recte animadvertent v. d. vestigia complurium antiquorum librorum sane excusorum, in quibus ea graece post *alio* vel *aliter*, omisso autem *certis*, inserta sunt, minime esse sequenda. Idem statuendum esse de verbis graecis III, 1, 14. rectissime monnit Spaldingius, quae, num recte retinuerit Bonnellus, valde dubitaverim. Non minus mihi probantur, quae Spaldingius IX, 3, 57. contra Badium monet, qui „imperatorum culpa hic Graeca, quae ipse posuerit Quintilianus, intercidisse“ existimat. In hoc enim videtur sibi constare Quintilianus, quod, ubicunque salvo sensu fieri potest, latinis verbis utitur, graecis autem in iis tantum exemplis, quae hanc ipsam linguam flagitant, veluti IX, 4, 63. 73. 78. Deinde autem ejusdem videtur esse consuetudo, ut, quae dixerit graece, non latinis verbis interpretetur, cf. IV, 2, 131. Ex utraque igitur parte ii, de quibus modo disputavimus, loci laborent, nisi cum Spaldingio aliisque graecam interpretationem delendam esse censeamus. Jam, nt ad eum, unde egressi sumus, locum revertamur, in his quidem Platonis verbis non est, quod offendat, eo magis autem in iis, quae proxime sequuntur: *quam quod cum quoque maxime facere experiretur; quam* Regio debetur, praeterea in Turie. et Flor. *faceret* reperitur, in Ambr. I. *faceret ut experiretur*. Spaldingius quidem locum aperte corruptum ita conatus est restituere: *quam, quod cum quo maxime faceret, experiretur; Zumptius*, quem sequitur Bonnellus, ita, ut supra scripsimus, hanc inesse ratas sententiam: „neque ad aliam rem Plato illa quatuor verba plurimis modis collocauit, quam quod experiretur, ordinem quoque verborum, non solum delectum, maxime pertinere ad orationis elegantiam.“ Quamquam proba ita sententia enascitur, tamen molestiorem atque impeditiorem hanc dicendi rationem esse iudico. Poteramus sane tota hac enneiatione carere, sed, quandoquidem addita est, explicanda videtur. Nolo equidem novum restituendi loci periculum facere, sententiam autem hanc inesse arbitror: neque alia de causa Plato illa verba plurimis modis scripsit, nisi ut, quod cum quoque conjunctum sermonem maxime faceret numerosum, experiretur.

Aristoteles haud raro laudatur ac primum quidem I, 6, 28. ex ejus libro *περί ῥητορικής* 2, 3. (de quo loco conferendus est Cic. Top. 8, 35.), deinde II, 15, 10. ex libro, qui inscriptus est *Θεωρίαι*, pauca verba referuntur; plurima vero ex Rhetoricis, aut ad verbum in latinam linguam translata, aut etiam liberius composita, repetuntur. Hoc autem summa cum diligentia factum est, ut facile appareat Quintilianum Aristotelis admodum gnarum fuisse. Complures loci difficiliores acumen interpretum evocaverunt, nisi silentio eos praeterire tutius visum est. At nunc post egregia studia Spaldingii ad hunc unum revocare sufficiat; equidem me ne in uno quidem loco melius quidquam invenire potuissem libere profiteor. Graeca verba VIII, 3, 37. e Rhet. III, 7, 9. liberius etiam V, 10, 17. e Rhet. II, 16. sumta sunt, ubi praeeunte Victorio (ad Aristot. Rhet. I. II. p. 419.) rectissime Spaldingius Quintilianum memoriter citasse judicat, quum et omiserit quaedam et alia addiderit, quae neque hoc neque alio loco ab Aristotele disputata sint.

Denique IX, 4, 88. in his verbis: *herous, qui est idem dactylus, Aristoteli amplior, junbus humanior videatur*, sumtis ex Rhet. III, 8, 5. *ὁ μὲν ῥητορὸς σαρμὸς καὶ λιγυρὸς καὶ ἀρμονίας διόμυθος, ὁ δ' ἱαμπεὺς αὐτῇ ἰσχυρὴ ἢ λειψὴ ἢ τῶν πολλῶν* haud scio an rectissime a Pithoeo pro *humanior*, quod vix explicari possit, *humilior* scriptum sit: quae quidem conjectura, a Spaldingio probata, non certo cuidam Aristotelis verbo, sed toti verborum sententiae egregie respondere videtur.

Scriptores rerum quod in hoc de institutione oratoria opere raro laudantur, neque mirabimur, neque inde Quintilianum minus eos cognitos habuisse conjiciemus. Thucydidis laudat quaedam verba graece IX, 4, 78. quibus probet prosae orationis scriptoribus, quamvis diligentissimis compositionis, hoc aliquando accidere, ut in soluta oratione vineta utantur. v. I. 8.

Praeter Thucydidem solus Xenophon IX, 2, 36. ejusque celeberrimum Voluptatis et Virtutis certamen (Mem. II, 1, 21—34.) commemoratur.

Graecorum oratorum tres potissimum nominantur: Isocrates, Aeschines, Demosthenes; de quibus, quamvis saepissime commemorentur, breviter licet disputare. Saepius igitur (II, 15, 3. 4. 33. III, 4, 11. III, 5, 18.) laudatur ars quaedam, Isocratis nomine inscripta, quae utrum jure ei adscribatur, necne, Quintilianus in medio relinquit; quin ex ipso fonte hauserit, vix potest dubium esse.

Ex Aeschinis orat. c. Ctesiph. p. 83. nonnulla III, 6, 3. memoriter videntur laudata esse.

E Demosthene plura repetuntur graeco: IV, 2, 131. ex orat. d. cor. p. 230. IX, 4, 63. 73. ex initio orationis d. cor. atque ex Philipp III. p. 115. quae uon satis accurate citantur a Rufino de compos. et de metris oratorum (Vol. V. p. 185. edit. Cicer. Orell.), quum scriptum sit *et πάλιν ἔμην* pro *καὶ πᾶν ἔμην*. Totum autem hunc locum, admodum difficilem ad explicandum, ex optimorum librorum fide ita scribi malim: *Proximam clausula diligentiam postulans initia, nam et in haec intentus auditor est. Sed eorum facillior ratio est, non enim cohaerent praecedentibus nec serviunt, novum exordium sumunt, quum ea, quamlibet sit composita, ipsam gratiam perdet, si ad eam rupta via venerimus.*

Comparatio igitur instituitur inter initia et clausulas atque, quum in initiis hoc solum respiciendum sit, ut per se sint bona et probabilis, in clausulis ea accedit difficultas, quod artissime cohaerent cum praecedentibus, ut, ei minus probanda fuerint haec, ipsae gravissimum jacturam faciant.

Hoc duobus exemplis Ciceronis et Demosthenis comprobatur; nam, quamquam finis utriusque idem est, tamen gravis et severa judicatur compositio Demosthenis, Ciceronis autem reprehenditur; atque reprehensionis gravissima causa in iis, quae antecedunt, posita est, altera sane in eo, quod hinc pedes hic singulis verbis continentur, id quod cum in carminibus, licet quaternae tantum syllabae aëctantur, permolle est, tum in oratione valde displicet. In iis, quae sequuntur, ad Spaldingii fere scribendi rationem omisso tamen ut post cum revertor: *Quo fit, ut Demosthenis c. g. a.* quae lectio Flor. fere commendatur, in quo *nam cum quo fit* legitur. Ceterum eandem hanc Demosthenis severitatem notatam esse censeo V, 14, 32. ubi ex optimorum librorum vestigiis legendum esse *nonna apud ipsam Demosthenem paucissima hujus severitatis reperiuntur?* suspicatus sum (Z. I. A. W. 1856. p. 126.).

In latium sermonem plura magis minusve libere translata sunt, etenim III, 8, 5. sumtum ex orat. de Halon. 2. V, 14, 4. ex orat. in Androt. p. 595. IX, 3, 55. ex orat. de cor. p. 288. In verbis, quae h. l. praemittuntur, his: *Ejus exemplum ex Graeco notissimo transferatur* rectissime mihi videtur judicare Spaldingius, qui maluit scribi *notissimum*. Etenim verba *ex Graeco* ubicunque inveniuntur, I, 6, 3. 13. 87. III, 4, 12. VIII, 3, 33. IX, 3, 17. semper eadem ratione usurpantur atque magnopere dubitandum est, num h. l. ad *notissimo* recte adjiciatur *Graeco*.

Jam ad Romanos transeundum est primamque ea, quae e poetis sumta sunt, considerata. Ennii quidem non ita raro mentio facta est. Diligentissime, quidquid huc spectat, a Joh. Vahlenio (Ennianae poesis reliquiae Lipsiae 1854.) etiam e Quintiliano collectum est; eos locos, quos ex hoc sole scriptore novimus, asterisco notavi. Ex annalium reliquiis hi versus laudantur:

v. 70. 73. apud Qu. I, 6, 12.	v. 186. apud Qu. VII, 9, 7.
— 129.* — — I, 5, 12.	— 222. — — IX, 4, 115.
— 160. — — VIII, 6, 9.	— 304. — — XI, 3, 31.
— 178. — — VI, 3, 86.	— 309. — — II, 15, 4.
— 184. — — I, 4, 15.	— 472. — — II, 17, 24.

deinde e tragoediarum reliquiis:

v. 43. apud Qu. VIII, 3, 31,	v. 403.* apud Qu. IX, 3, 15.
— 127. 184. — — I, 6, 40.	— 312. — — XI, 3, 115.
— 280. 281. — — V, 10, 84.	— 420. — — I, 4, 15.

ex incertis saturarum libris:

fr. III.* apud Qu. IX, 2, 36.

denique ex incertis libris:

v. 11. apud Qu. I, 6, 40.

Pauca tantum sunt, quae his adjiciam. Namque VI, 3, 86. legitur *causas*, apud Ennium *oras*; VIII, 6, 9. *equum*, apud Ennium *equos*, neque, quamvis reperiuntur, qui aliter statuunt, *causa* est, cur ab optimorum librorum scriptura recedamus. Hanc ipsam quam maxime servandam esse statuerim etiam I, 5, 12. in his verbis: *At in eadem vitii geminatione Metticeo Fufetticeo*

dicens Ennius poetico jure defenditur. Nam, quum Ambr. I. ita haec verba exhibeat *metti* .. (eo et *fuuetio* (eo) — post *metti* una litera abrasa est; ea autem, quae uncis inclusi, ab altera manu addita sunt — nescio au proxime ad verum accedamus, si cum G. Hermann (apud Meyerum) scribimus *Metioeo Fufetioeo*, scilicet extremam hanc hexametri esse partem stantes; Meyerum, quem sequitur Bonuellus, maluit scribi *Mettioeo Fufettioeo*, Vahlenius suspicatus est *Mettoi Fubettoi*.

Pacuvii nonnulla verba laudantur I, 5, 67, apud Ribbeckium (Tragicorum latinorum reliquiae Lipsiae 1852.) ex incertis fabulis fr. XLIV. Etiam ea, de quibus supra p. 6. disputavimus, I, 12, 18. quae recte a Ribbeckio Hermionae Pacuvii (fr. XIV.) tributa sint, non potest dubium esse.

L. Varii Rufi complura verba repetuntur III, 8, 45, de quibus cf. Ribbeckium l. l. p. 195.

Denique videtur operae pretium esse, omnes eos locos colligere, in quibus fragmenta tragicorum latiorum, quorum auctores ignoramus, commemorantur. Conferendum igitur est:

ad I, 5, 21.	fr. CXXXI.*	ad VIII, 6, 10. fr. XXXV.*
— VI, 1, 52.	— CXLVI.*	— — 26. — LXXIX.*
— VI, 3, 96.	— XLVII.	— — — 30. — XXVIII.
— VIII, 3, 26.	— CXXXII.*	— — — 34. — CXXXVIII.*
— — — 31.	— CXXIX.*	— IX, 3, 15. — LXXXIX.*
— — — 48.)	— LXXV.*	— — — 57. — LIV.
— — 6, 15.)		— — 4, 140. — LV.
— — 5, 6.	— CIX.	

T. Lucretii Cari de rerum natura citantur duo loci, de quorum altero tantum III, 1, 4. paucis videtur disputandum esse; his apud Lucretium legitur I, 936—938. et IV, 11—13. Jam vero, quod hic v. 936. incipit a *sed*, v. 11. a *nam*, apud Quintilianum neutrum legitur, sed ac primum locum obtinet: hoc equidem nullius momenti esse crediderim, gravius vero, quod in tertio versu apud Quiutilianum *aspirant*, apud Lucretium *contingunt* scriptum est, ita tamen, ut boni libri idem *aspirant* exhibeant, in veteribus autem Quiutiliani editionibus etiam *contingunt* reperitur. Neque improbanda videtur Spaldingii sententia, qui utrumque in diversis editionibus posuisse Lucretium existimat, ut Quintiliano jam ipsi eligendi, quod maxime placeret, data fuerit optio. At si forte hoc audacius esse videatur, Quintilianum h. l. memoriter laudasse et verbum aptissimum elegisse existimabimus, quod, ut Spaldingii verbis utar, et ipsum aliquem vetustatis colorem habet.

De his, quae e Persio, e Terentio, e Medea Seuecae commemorantur, non est, quod moueam. Nam etiamsi ea potissimum, quae sumta sunt e Terentio, magnopere differant, tamen nullam Quintiliani mutandi causam esse puto, qui ea, quae prisco atque minus usitato sermone cecinerat poeta, verbis suae aetatis aptioribus reddere maluit.

Plurima vero laudantur Vergillii; etenim fere centies et quinquagies aut singula ejus verba, aut tota etiam complures versus repetuntur: atque hoc ita videmus factum esse, ut summae diligentiae laude dignus esse videatur Quintilianus. Neque huic meo iudicio il loci repugnant, in quibus scriptoris minus interest poetae verba ipsa reddere, ubi rhythmica forma sublata verborumque ordine

mutato, omisiss etiam, quae non necessaria esse viderentur, Vergilii verbis usus probaret, quod probandum esset. Ex eo numero sunt I, 5, 35. sumtum ex Ecl. VI, 62. 63. V, 9, 15. e Georg. I, 431. V, 11, 30. ex Ecl. I, 23. VIII, 4, 25. ex Aen. V, 265. VIII, 6, 18. ex Aen. VI, 19. VIII, 6, 40. ex Aen. XI, 681. et Georg. III, 364. X, 1, 56. ex Ecl. X, 50. XII, prooem. 4. ex Aen. V, 9. XII 10, 61. (cf. VIII, 6, 11.) ex Aen. VIII, 728.

Ut certe uno exemplo, quemadmodum hoc factum sit, ostendam, eligo II, 13, 8. ubi notissimus versus (Aen. III, 436).

*Unum illud tibi, nate dea, proque omnibus unum
Praedicam et repetens iterumque iterumque monebo.*

insertus est, ita tamen, ut, quamvis maxime poetae verbis pepercerit scriptor, ea tantum retinnerit, quibus apte licuit uti. Simili modo hunc versum solum reddidit C. Julius Victor c. XXV. p. 264, 11.

Restat, ut eos locos intusamur paucos, in quibus uterque scriptor inter se differt. Verissime autem de hac re iudicabimus, si utrique, quod cuiusque libri optimi commendant, restituemus. Quamquam sunt etiam codices quidam Quintiliani aperte e Vergilio correcti, qui plane nullam fidem merentur. Itaque IX, 2, 10. in his verbis: *et quisquam numen Junonis adoret?* quamvis, quod apud Vergilium (Aen. I, 48.) legitur *adorat*, optimorum codicum auctoritate nitatur, haec autem certa atque definita loquendi ratio poetae videatur accommodatissima esse, nihil equidem contra bonos libros mutaverim. Neque dubito, quin IX, 2, 9. rectissime legatur et retineatur: *Hec quae me tellus*, quamvis Vergilius in Aen. II, 69. *nunc* scripserit. Neque quisquam reprehendet, quod IX, 3, 14. retinemus *factat*, quum in Aen. XI, 406. scribatur *angit*; IX, 2, 49. *caedis*, ubi Aen. XI, 384. *stragis*; IX, 3, 15. *tremens* pro *frenens* Aen. VII, 787. VIII, 6, 46. *veteris fagi* pro *veteres fagos* Ecl. IX, 9. VIII, 6, 45. *spatio* pro *spatiis* Georg. II, 541. IX, 3, 20. *haud secus* pro *non secus* Georg. III, 346.

Ejusmodi enim sunt, quae aliter hic atque illic leguntur, ii autem, quos modo enumeravi, loci fere soli sunt, in quibus omnino aliquid discrimen invenitur. At neque VIII, 3, 73. neque VIII, 6, 10. in locis ex Aeneid. IV, 143. 144. et II, 307. citatis, quidquam mutandum esse arbitror.

Ambigua antiquissimorum Vergilii exemplarium videtur lectio fuisse in Ecl. IV, 62. Optime enim placet, quod egregie Ladevicius interpretatus est et novissimus interpres O. Ribbeckius probavit:

— *Cui non risere parentes,*

Nec deus hunc mœna, dea nec dignata cubili est.

Apud Quintilianum autem IX, 3, 8. fieri non potest, quin cum Bonnello scribamus: *Qui non risere parenti*. Neque enim hunc in notissimo loco quidquam mutaturum fuisse sed certe aliqua, nescio an deteriorum librorum auctoritate adjutum ita scripsisse statuemus.

De lepidissimo in Cimbrum facto epigrammate Vergilii (VIII, 3, 28.) non habeo, quod dicam.

Denique, ut hoc quoque addam, nescio an dissentire oporteat a Bonnello, qui, quum codicem Bambergensem potissimum secutus poetam plerumque nominaverit *Vergilium*, tamen VIII, 2, 9. *Virgilium* et I, 3, 13. *Virgilianum* tueri maluerit. Ejusdem generis videtur esse, quod nimis reli-

giose codices secutus VIII, 6, 52. (Ed. III, 105.) IX, 4, 75. 99. *tres* retinuit, quum idem vocabulum, accusativo casu positum, ubique legitur, secundum optimos codices scripserit *tris*.

Ovidii duo tantum loci cum Quintiliano minus congruunt, alter VIII, 3, 47. repetitus e Metam. I, 502. ubi *quaeque* pro *sigua* legitur, a Spaldingio in suspicionem vocatus, unisque inclusus; in altero IX, 3, 48. qui e Metam. V, 18. sumtus est, *ponti* pro *ponto* legitur.

Praeterea VI, 3, 96. ejus liber in malos poetas, quem ex tetrastichon Macri carmine composuerat, deinde VIII, 5, 6. unus versus ex Medea (cf. Ribbeckium l. l. p. 197.), denique IX, 3, 70. festivus ejus versus commemoratur.

Catulli sex loci citantur, in duobus tantum (I, 5, 8. IX, 3, 16.) varia scriptura invenitur, quam silentio praeterire possumus.

Admodum volutatus est in carminibus Horatii eoque saepius, ut in epist. ad Tryph. 2. I, 5, 6. X, 1, 24. 61. 63. 94. ita utitur, ut hunc ei prae ceteris carum fuisse facile liceat cognoscere. Ut cetera omittam, in quibus nulla fere varietas lectionis est, ut taceam de VIII, 6, 17. ubi Furi Bibaculi versus, quem e sat. II, 5, 42. novimus, laudatur, ut praeterea VIII, 6, 44. ubi, quomodo carmen lib. I. XIV. intelligendum sit, patet explicatur, ad V, 11, 20. me convertito, ubi ex Ambr. I. Flor. Turic. scribendum esse

Quod dixit vulpes aegroti cauda leoni

inter interpretes constat. Sed quum apud Horatium (epist. I, 1, 72.) legeretur

Olim quod vulpes aegroti cauda leoni

Respondit

factum est, ut in deterioribus codicibus hic versus plane ad illum corrigeretur, post *leoni* autem adderetur *etc*, nimirum audacius videbatur librariae, quod in textu deesset, *respondit* addere ideoque illud, quo nihil est absurdius, *etc* adiciebant. At, quum non sit nostrum scriptorem corrigere, id, quod optimi libri exhibent, tuebimur, hoc autem discrimen ita optime explicari putabimus, ut h. l. minus accurate poetam eum secutum esse statuamus.

Complura Quintiliani verba, quae VIII, 3, 48. et VIII, 6, 15. leguntur, miro modo interpretes ex Originibus Catonis *juncta* esse contendunt. Etenim, quum apud Gellium (noct. Attic. III, 7.), qui Catonis fragmentum aliquod servavit, *verruca* quidem inveniatur, reliqua verba desint, qui fieri poterit, ut haec eadem haberentur, equidem non dispicio. Poeticum potius fragmentum est atque merito a Ribbeckio (l. l. ex incertis incertorum fabulis fr. LXXV.) receptum.

De Livio et Sallustio non est, quod moneamus, quippe cum quibus pauca, quae inde repetantur, fore congruant.

Minus mihi placebantur, quae e P. Rutilio Lupio laudavit, non quo in iis quidquam obscurum aut difficile sit, sed quod parum accurate, quum auctores exemplorum landatorum appellare debuerit, ad ipsum Rutilium relegat. Nam IX, 3, 36. fragmentum Charisii, IX, 3, 65. Hyperidie, IX, 3, 84. Demetrii Phalerei landari Rutilius ipse (I, 10. I, 4. II, 16.) dicit; reliqua autem, unde hauserit, quae IX, 3, 75. 89. e l. II, 12. II, 16. repetuntur, non addit.

Longe autem difficillima de Cicerone erit disputatio, ex quo velut e latissimo flumine in

rhetores posterioris temporis non solum verba, sed etiam tota enunciatia fluxerunt plurima, cujus vestigia persequi omnibus honorificentissimum visum est.

Neque hoc mirum. Quintilianus, ubique de eo loquitur, summis laudibus eum effert, coelestem eum in dicendo virum appellat, quin divine eum omnia persecutum esse dicit. Eundem praeceptum lumen sicut eloquentiae, ita praeceptis quoque ejus dedisse contendit (III, 1, 20) „unicum apud nos specimen orandi docendique oratorias artes.“

Jam vero, quum in eo lectiando et imitando et ediscendo tantopere versatus sit, et versari discipulos voluerit, ut dicit profecisse, cui Cicero valde placeat (X, 1, 112.), fieri non potuit, quin permulta memoriter sciret et repeteret: plurima quidem ita, ut eum Cicerone congruerent, nonnulla etiam, quae ab eo recederent. In his ipsis autem plura genera discernimus, quum in aliis locis aperte erraverit, in aliis parum accurate recordatus sit, oratorem autem semper, etiam in minimis, religiosa quadam fide sequi noluerit, denique quaedam etiam consulto mutaverit. Neque vero omnes ex ordinis locos pertractare licet, qui prope infinitus est labor, sed ratione indicata exemplis, quantum poterimus aptissime electis, sententiam nostram confirmare conabimur.

De libris manuscriptorum hoc in universum praemonemus plurimos e Cicerone aperte esse correctos, optimum quemque saepe diversam quidem, sed veram vel probabilem scripturam praebere: in quo numero habendos esse Bamb. Ambr. I. (II.) Turic. Flor. Guelf. Camp. Goth. Voss. I. II. III. Par. I. II. (III.) diligentissima multorum locorum comparatio docet.

Primum igitur dicendum videtur de VI, 3, 67. ubi Quintilianus praeclarum illud Crassi (Cic. de orat. II, 66.) ita sibi ipsam magnum videri Memnium, ut, in forum descendens, caput ad fornitem Fabii demitteret, quo superbia atque insolentia viri, etiam aliis Ciceronis et Sallustii locis notata, carpitur, καὶ ἐπιπέλῃ ea dici arbitratus, sic reddit: *quale refert Cicero de homine praelongo, caput cum ad fornitem Fabium offensisse.* Hoc igitur loco gravissimum ejus errorem deprehendimus. Obiter ea, quae Cicero dicit, memineras, non meminit auctoris joci, non ejus, qui perstringitur, sed id ipsum oblitus est, lepide hoc esse dictum. Quare ingeniosa quidem, sed nescio an improbanda Spaldingii est suspicio „Crassi ante refert, quod tam nude latine non possit dici, excidisse, quia alioqui non verisimile sit, adeo immemorem loci Ciceroniani fuisse, quum haec scriberet, Quintilianum, ut Ciceronem joci auctorem crederet.“ Neque scribendum cum Goth. et Voss. II, demissae pro offensisse, quae scriptura non minus quam Spaldingii conjectura eo consilio e Cicerone deprompta videtur esse, ut Quintiliani negligentia quaedam, quam inesse non negabimus, tollatur vel certe leniatur.

Idem fere judicandum est de XI, 3, 58. Nam Cicero illos ex Lycia et Caria rhetoras paene cantare in epilogis dixit. Etenim, quum apud Cic. orat. 18, 58. e Phrygia et Caria legatur, si optimis codicibus fidem habemus, etiam h. l. Quintilianus errasse videtur, pro Phrygia reponens Lycia. Simplicissima ea res: difficilior est judicium de verbis, quae proxime antecedunt: ludorum talarum licentia, quae equidem nondum satis explicata esse puto. Ingeniosa quidem Pithoei vel Danielis conjectura, pro his Lyciorum et Carum suadentis, neque minus ingeniosum id, quod addit Spaldingius, Lycia librario cuidam deberi; Quintilianum, quamquam memoria lapsus, voluisse scribere

Lydia, ut certe scribendum sit *Lydorum et Carum*, quod vel propius ad codicum vestigia accedat. Sed vehementer displicet, quod *Lydi et Cares* ita bis commemorantur. Quare equidem de *circulatoria licentia* cogitavi, cogitavi etiam *Lydorum et Carum* scribendum esse, ita tamen, ut verba *Nam Cicero — dixit* tanquam interpretamentum uncis includerentur, sed neutrum mihi ipsi admodum probatur.

Alterum igitur genus eorum est locorum, in quibus parum accurate citavit scriptor, quum unum aliud quod verbum aut complura, quae vel notissima erant, laudaverit et saepius etiam repeterit. Ita legimus IX, 2, 29. *Illi adhuc audaciora et majorum (ut Cicero existimat) laterum*, quum apud illum (orat. 25, 85.) non *majorum*, sed *valentiorum* scribatur. Ita IX, 3, 30. *concursus bonorum omnium*, apud Ciceronem (in Catil. I, 1, 1.) *consensus*. Eiusdem generis videtur esse, quod XI, 3, 169. sine ulla scripturae varietate legitur *Quin compeccitis*, quum apud Cicer. (p. Rab. perd. 6, 18.) legatur *quin continetis* idque eo magis offendit, quoniam Quintilianus hanc vocem quodammodo vituperans modum excedere dicit. Ceterum totus hic locus exemplis undique sumtis et memoriter laudatis refertus est. Etenim, quum §. 172. scriptum sit: *Me miserum, me infelicem, et Quid respondebo liberis meis? et Revocare tu me in patriam potuisti, Milo, per hos; ego te in eadem patria per eodem retinere non potero?* quis est, qui Quintilianum ipsos Ciceronis locos inspexisse et religiose oratoris vestigia secutum esse censet? An quem offendant, quod apud Ciceronem ipsum (p. Mil. 37, 102.) legitur: *o me miserum, o me infelicem!* (quod et ipsum fere legitur VI, 1, 24.), atque in reliquis quoque non plena existit consensio?

Neque jam offendit, quod IX, 2, 38. legimus: *Vos enim jam ego, Albani tumuli atque luci*; apud Cic. p. Mil. 31, 85. *Vos enim jam, Albani tumuli atque luci*. Quid ergo? an ego delendum videtur apud Quintilianum, quoniam illic deest? Quid? quod plane cum Cicero congruat, quae XI, 1, 34. leguntur? Quid porro faciendum XI, 3, 172. ubi reperitur: *Vos, Albani tumuli*; XI, 3, 167. ubi: *Vos, Albani tumuli atque luci*? Extremae certe temeritatis esset, si vel unam litteram mutare vellemus.

At vero difficilior ad iudicandum III, 11, 9. quod — *Cicero firmissimam argumentationem defensoris et potentissimam ad iudicationem; potentissimam pro appositissimam* Bonnellus ex Ambr. I. recepit; apud Ciceronem de inv. I, 14, 19. haec leguntur: *Firmamentum est firmissima argumentatio defensoris et appositissima ad iudicationem*. Quum vulgo legeretur *aptissima*, Ernesti ecripsit *appositissima* et ita consensum inter utrumque scriptorem restituit. Idem verbum in simili loco II, 15, 5. sine ulla librorum varietate atque II, 15, 3. legitur, ubi librorum auxilio destitutum, a Regio receptum est. Mirum in modum errat Spaldingius, qui receptam defendere coactos, „eam se tuari contendit Ciceroiana definitione de inv. I, 5. ubi *apposite ad persuasionem, apposite ad sanandum*,“ praeterea §. 5. conferre jubet, ubi nulla sit varietas. Ex hac complurium locorum comparatione quam caute in his rebus ageodum sit, quam sit necessarium ex suis quemque libris scriptorem et explicari et sanari, satis apparere confido.

Denique ii quoque loci laudati qui commemorantur digni videntur, qui, quum bis aut saepius repetantur, hic longius a Cicero recedunt, illic propius ad eum accedunt, exempli causa

V, 10, 99. VIII, 4, 10. sumi ex orat. Philipp. II, 25, 63. IX, 2, 26. IX, 3, 29. ex eadem Philipp. 26, 54. IX, 2, 100. IX, 3, 32. ex orat. p. Mur. 9, 22. atque unumquemque locum per se spectantes etiamsi alterum quidem minus accurate eum citasse concedamus, tamen nihil temere mutabimus.

Cum his ea, quae Quintilianus, quum bene meminisset, certo quodam consilio mutavit, arctissime cohaerent, ut passim utrumque laudandi genus vix diiudicare possimus. Etenim verbum unum vel etiam plura commutantur, collocatio eorum iuvetur, aliud adiecit vel omititur, vincula et quasi rhythmica oratio tollitur et quae sunt reliqua ejusmodi.

Qua ex parte commemorandum est II, 17, 36. (sumtum e Cic. de orat. II, 7, 30.) ubi, si quid recte video, ut certior et definitior sit sententia, aliquando adjectum est. Simili ratione V, 10, 93. *audiam dicere*, (Cic. p. Lig. 10, 30. *non audeam confiteri*) IX, 4, 64. *cooperat esse*, (Cic. p. Cael. 26, 62. *facta erat*). Hac ratione aptissime explicatur IX, 2, 61. *rerum*, quod apud Ciceronem in Verr. II, IV, 3. 5. neque legitur, neque legi potuit. Aptissimum autem hujus generis exemplum videtur esse XI, 1, 19. et XI, 3, 97. *Si quid est ingenii in me, quod*. Initium orationis pro Archia poeta habitae notissimum multo copiosius et ornatus hoc est: *Si quid est in me ingenii, judices, quod*. Quod si id Quintilianus h. l. consilium fuisset, ut, quanta horum verborum vis atque potestas, qui egregius esset decor oratorius, ostenderet, ita nullo verbo mutato ea repetere debuit, quum vero Ciceronis modestiam et verecundiam quandam orationis gratissimam inde elucere voluerit, liberius hanc sententiam reddere ei licebat. Sed optimi libri, in his fere Flor. Turic. Ambr. II. sic ea praebent: *Si, judices, ingenii mei*: quam lectionem Spaldingius probavit. Zumptius maluit scribi: *Si quid est ingenii in me*, argumento naus, quod plaus rejiciendum esse ex iis, quae disputavi, patere existimo; dicit enim: „siquidem *quid est et judices* tam parum inter se differunt, ut ob eam varietatem locum Ciceronianum et sententiam jam absolutam quadammodo in vulg. pessundare nolim.“ Quare equidem in optimorum librorum scriptura: *Si, judices, ingenii mei* cum Spaldingio acquiescam.

Quibus praemissis jam ad eos locos nos convertimus, in quibus Quintilianus ipsa Ciceronis verba repetit et repetere voluit: in qua parte sum diligentissime versatum esse videbimus, praecipue ubi non pauca quaedam verba, sed totas immo complures paragraphos repetit: ut aperte videantur falli, qui ei in universum nimiam quandam libertatem vel etiam negligentiam laudandi exprobrant.

Initium autem facimus a loco, in quo diversum ab eo, quo nos utimur, textum ante oculos habuisse eum manifestum est. Etenim I, 5, 61. de grammaticis quibusdam, veterum amatoribus, disserit, qui ne in *a* quidem et *s* literas exire temere masculina graeca nomina recto casu passi sint, idque compluribus exemplis comprobans, apud Ciceronem non *Hermagoras* sed *Hermagora* scribi addit. Quod factum esse in editionibus, ab hominibus ejus generis adornatis, concludere licet ex his verbis *ideoque et e. q. s.* Neque igitur mirabimur, quod apud Ciceronem de iuv. I, 6. 9. 11. 51. non hanc formam sed consuetam invenimus neque audiemus Spaldingium, qui totum verborum nexum minus perspicuus, ex ipsius Quintiliani testimonio et auctoritatis apud Ciceronem *Hermagora* scribendum esse censuit.

Gratum Socraticae interrogandi rationis exemplum V, 11, 28. 29. e Cicerone (de inv. I, 31.) repetitum, in paucis tantum liisq; exiguis rebus discrepat. Ut taceam de verbis *utrumne illius, an*

tuum malis, pro quibus apud Ciceronem *illius an tuum malis* vel *utrumne i. a. t. m.* ea, quae sequuntur, apud Ciceroem fere ita ponuntur: *Respondit: Illius vero*, apud Quintilianum: *illius vero respondit*. Quanquam de sententia quidem nihil interest, utrum hoc an illud scribamus, tamen, si alterutrum praecipua codicum auctoritate niti ostendi poterit, hoc sine dubio praefereamus. In optimis libris nonnulla verba exciderunt, in Turic. Alm. Ambr. II. *illius* et *respondit*, in Ambr. I. non solum haec, sed etiam *malis*, legitur autem *vero*. Itaque suspicari licet librarium a priore *illius* statim ad alterum aberrantem ea, quae interposita erant, omisisse scribendumque esse *tuumne an illius malis*? *Respondit: illius vero*; qui verborum ordo non solum congruit cum eo, quem novissimus Ciceronis interpres R. Klotzius probat, sed etiam per C. Julium Victorem c. VIII, p. 230, 13. adjuvatur.

Non aliter rea se habet V, 14, 7—9. qui locus e Ciceronis de inv. I, 34. citatus est. Statim ab initio apud Quintilianum legitima *gubernantur* (Ambr. I. adgubernantur), apud Ciceronem *accurantur*; paulo infra §. 8. *jam porro*, apud illum *aliana porro*; utrumque quidem haud spernendum, quamquam *aliana* magis placet; deinde *eam* post *complexionem* et *ea* post *geruntur* in optimis Quintiliani libris desunt iidemque *conduxit* pro *conduxerit* praebent. Neque tamen quidquam mutandum est; vellem autem Bonnellus tres has paragraphos ita excudendas curasset, ut, quid Quintiliani ipseus esset, quid vero aliunde petitum, statim appareret.

IX, 1, 26—35. laudatum est e Cicer. de orat. III, 52, 201—54, 208. §. 27. in optimis libris legitur *audiant*, quod futuro *audient*, alieno ab hoc loco, ita praefereamus, ut etiam apud Ciceronem scribi malimus; in eadem paragrapho legitur *et ad plus intelligendum*, apud illum *et plus ad intelligendum*. §. 30. *rejectio*, apud Cic. *trajectio*, §. 32. *effrenatior* (Camp. solus *effrenator*), quod post *vox quaedam libera* fere necessarium est; *effrenatio*, quod etiam Klotzius tuetur, vereor, ne sit gravius ideoque etiam apud Ciceronem *effrenatior* equidem malum reponi. Denique §. 33. *cur paulum*, quod Ambr. I. et Turic. commendant, non sit in textum receptum, non intelligo.

Ita etiam in alia longiore particula, quae paucis interjectis incipit a §. 37. et pertinet usque ad §. 45. sumpta ea quidem e Cic. orat. 89, 138. 139. perpauca tantum monenda sunt. Merito Bonnellus non *quia* ex optimis libris restituit, sed eodem jure etiam *ornant* scribendum esse videtur, quod Ambr. I. Turic. Flor. praebent. §. 38. *non eadem sententia* omissa praepositione *in*, id quod suadent Ambr. I. II. apud Ciceronem etiam a Klotzio probatum est, praetulerim, cf. Rut. Lup. I, 12. §. 39. Bonnellus ex Ambr. I. et Bamb. qui habet *demotis*, *demotis* pro *demptis*, ubi meo quidem iudicio, quum ea vox nimis gravis sit, in recepta utriusque scriptoris lectione acquiescere tutius videtur. Paucis, quae commemorare non attinet, omissis tria adiciam. Nam §. 42. conjunctivus, ut in sententia suspensa, in vv. *quod dixerit* ex Ambr. II. recte restitutus est, deinde, quemadmodum recte ex Ambr. I. §. 44. *videatur* nunc legitur, ita malim in eadem paragrapho ex Ambr. I. II. (uti supra §. 33. *paulum* pro *paululum*) scribi *aliquantum* pro *aliquantulum*, quae etiam Ciceronis haud spernendorum librorum est lectio, denique rectissime a Bonnello verba *si res ante potest* ex Ambr. I. omisa et apud Ciceronem quoque omittenda esse censeo. Nam quum antea dictum sit: „alias dicendi virtutes sequitur“, jam hae ipsae enumerantur neque illius locus est ejusmodi circumscri-

ptionibus: suum cuique nomini verbum adjici, neque vero *brevitatem* ex antecedente *sequetur* pendere oportet.

De IX, 3, 56. conferendus est Auct. ad Herennium IV, 25. In verbis quidem: *Africano virtutem industria, virtus gloriam, gloria aemulos comparavit* nihil est offensionis, ordo autem eorum mihi non prorsus probatur. Gradationis haec, quae referuntur, exempla ita sunt composita, ut singulorum verborum collocatiōi maximum tribuendum sit momentum multumque, quo quodque loco sit positum, referat: a minore ad majus transitur atque hoc ita fit, ut continua quaedam exoriantur series. Quae quoniam ita sint, jam is ordo, quem sententia flagitat et Cicero praebet, librorum incuria perturbatus, restituendus est scribendumque: *Africano industria virtutem* c. q. s. Mecum facit et Rutilius Lupus I, 18. et Aquila de figuris sententiarum et elocutionis c. 40. qui iisdem Demosthenis et Licinii Calvi exemplis usus disserit: „Est autem (ascensus) figura perquam decora, et a Demosthene commendata, in qua postremum quodque verbum, in priorē membro, aut parte aliqua elocutionis positum, in posteriorem rursus assumptum inicitur atque ita velut gradibus quibusdam connectitur oratio.“

Conjungendum cum hoc loco videtur esse IX, 3, 43. laudatum ex orat. in Verr. II, V, 41, 107. Hic legitur — *quid, inquam, magno opere potuit Cleomenes facere?* apud Quintilianum collocatio verborum alia atque meo iudicio minus apta est haec: *Quid, inquam, Cleomenes facere potuit?* Turic. Gnelf. Camp. exhibent: *facere Cleomenes potuit?* Atque hanc equidem scripturam in textum recipiendam esse puto, nisi forte Cicéronem sequi malumus. Quod ut possimus scribere, in hoc loco difficillimo et ab interpretibus fere deserto alia mutatione opus est; etenim hanc sententiarum esse nexum arbitror: sensus toti, ut incipiunt, ita clauduntur, exempli causa *Venit ex Asia* — *venit ex Asia*, quamquam in tertio hujus periodi membro verbi collocatio mutata est, legitur enim: *Verumtamen venit*, itaque ultimum verbum quodammodo ad primum rediit; interim sententia repetitur, sed mutato verborum ordine. Jam vero si haec recte dispntavi, fieri non potest, quin non solum collocatiōem verborum, uti supra proposui, mutemus, sed etiam ante *eodem* inseramus *non*, quod facillime poterat excidere. Omissio autem vocabulo *non* totus hic locus languet, quum plane nihil discriminis reperiatur inter hanc et antecedentem sententiam.

Diligenter Quintilianus IX, 3, 98. ubi de figuris oratoriis copiosius agit, Auct. ad Herenn. secutus est, qui IV, 15. de interrogatione, c. 16. de ratiocinatione, c. 23. de subiectione, c. 26. de transitiōe, c. 27. de *occupatione* disserit. Pro ultimo hoc verbo Spaldingius, id quod apud Quintilianum legitur, *occultatio* scribi maluit. Quamvis habent *occupatio*, eum displiceat, tamen, num sit mutandum hoc verbum, dubitari potest, praesertim quum haec figura alias non occultatio sed praeteritio appelletur: tutius igitur videtur receptam tueri.

Recte nunc V, 11, 16. quod ex orat. pro Mil. 3, 8. citatum est, nomen *Ahala* e Cicerone restitutum est, non minus recte aut, quod nulla librorum auctoritate nititur, delectum: quid iudicandum sit de verbis *aut C. Marius*, quae apud illum ante *aut me* leguntur, difficiliter est dictum. Memoriter haec esse laudata, quum reliqua consentiant, praecipue quum nomina plane eodem ordine repetantur, aut consilio omissa esse non est probabile: potuisse autem ea librorum negligentia excidere certe non omni veri specie caret, quum facile saepius repetito verbo *aut* fallerentur. Itaque haud scio an recipienda sint. Paulo post §. 18. complura ex eadem oratione laudantur, quae fere inter se

congruunt, neque enim quisquam *potentissimas* pro *sapientissimas* aut *divinae* pro *divina*, quamvis utrumque Ambr. I. praebeat, praeferet.

Ex orat. pro Mur. 13, 29. suntum est VIII, 3, 79. Quum apud Quintilianum scriptum sit *sic nos videmus*, apud Ciceronem *sic nonnullos videmus*, quamquam hoc multo magis placeat, tamen nolim quidquam mutare. Idem judicandum esse existimo de verbo *devertere*, quo hic, atque *devenire*, quo ille utitur, quum utrumque ei, quam flagitamus, sententiae respondeat. In paragrapho ea, quae sequitur, nonnulla ex c. 17, 36. laudantur. Complura rectissime a Bonnello e codicibus restituta sunt, etiam *improvisae*, quamvis paullo audacius sit dictum et Ambr. I. tantum nitatur (neque vero, ut refert Bonnellus, etiam Flor. qui habet *improvisae*), certe non displicet, sed praeterea abesse equidem nolim *esse* post *accitata*, quod quidem in Ambr. I. et Turic. deest, in Flor. tamen legitur.

Magna consensio est inter V, 13, 47. atque Cic. p. Cluent. 52, 143; nam praeterquam quod ordo duorum verborum discrepat, apud Ciceronem *adversarios*, apud Quintilianum *adversarium*, apud illum *sed* ante *nimirum* legitur, quod vix puto sincerum esse, praesertim quum facillime ex antecedente *est* nasci potuerit; *istuc*, quod in editione Orelliana legitur, jam video a Kloizio mutatum esse in *istud*. Praeterea ex hac oratione 60, 167. suntum est IX, 3, 37. Ac primum quidem alacritati hujus descriptionis respondere videtur, ut signo interrogandi post *illo die* etiam apud Ciceronem utamur. Haec ipsa autem verba mirum in modum corrupta sunt. Etenim Turic. et Flor. praebent *veni dandi unde illo die*, Alm. *unde de*, Guelf. v. d. *unde i.* cum Goth. Voss. II. alisque; unde, quod fere praebent codices, scribi non posse manifestum est, idque depravatum esse puto ex eo, quod antecedit, *dandi*. Paullo infra Turic. Flor. Guelf. *quae porro interceptio poculi? porro*, pro quo apud Ciceronem legitur *deinde*, molestum quidem est, propterea quod idem vocabulum proxime antecedit, tamen non dubito, quia retinendum sit.

VIII, 4, 19. et ex parte quidem IX, 2, 51. laudatum est ex orat. in Verr. II, V, 44, 117. in quo hoc tantum videtur notandum esse, quod apud Ciceronem *condemnaretur*, apud Quintilianum *ne securi feriretur* scriptum est. Nam reliqua, quae differunt, admodum levia sunt: *crimina* ante *Metum* in optimis libris deest ideoque jure omittitur, non minore jure *est* post *humanum* adjicitur: ea autem, quam commemoravi, scriptura non videtur esse librarii, suo arbitrio mutantis, sed nescio an ipsis Ciceronis. Neque enim hunc, cujus praeclaram artem toties in eo admiramur, quod gratissima varietate audientium animos delectat, hoc potissimum loco, ubi haec ipsa varietas propter ea, quae sequuntur, plane necessaria est, simplicissimo verbo usurum fuisse arbitror.

Ex eadem actione 56, 145. 146. sumta sunt, quae VIII, 6, 72. leguntur. Displicet in his primum mutata verborum collocatio quae in *iisdem versata locis dicitur* pro *q. i. i. l. v. esse d.* displicet deinde, quod post verba *Versabatur in Sicilia longo intervallo* vox *alter* omissa est. Etenim ea eximia quadam arte, quam Quintilianum latuisse vix mihi persuadeam, adjecta est; nam, ut rectissime monet C. Halmius, Cicero ea ita utitur, ut nomen alicujus hominis cum hoc comparandi adjecturus esse videatur, tum vero, quia non invenit, quod sufficeret, addit *monstrum quoddam novum*. Jam vero Ambr. I. Turic. Flor. eodem loco interponunt autem, Alm. *aut.* Neutrum placeat, sed quod saepenumero factum esse videmus, ut, quae est gratissima librorum fides, verbum corruptum

retineretur, id etiam h. l. factum esse confido, corruptum autem e v. *alter* idque reponendum esse puto. Simili modo V, 13, 33, quod est sumtum ex orat. p. Cluent. 48, 135, quum post *ipsum enim* Ambr. I. Flor. a. pr. m. Alm. praebant *genus Egnatium* omissio *enim* (Turic. *genus Enagium*) id ipsum, quod apud Ciceronem scribitur, ex mendosa codicum lectione restituendum legendumque esse censeo: *ipsum enim C n. Egnatium*.

Sed haec haecenus. Jam vero pauca de C. Julii Victoris arte rhetorica, quae primum ab Angelo Majo Romae MDCCCXXII ex uno Ottoboniano Vaticanae bibliothecae membranaceo codice saeculi XII. edita, a Jo. Casp. Orellio in volumine V. operum M. Tullii Ciceronis repetita est, adjecturus sum. Is enim cum ex aliis scriptoribus, tum e Quintiliano plurima ita laudavit, ut ei non minor, quam codici mscr. fides habenda sit.

Laudantur autem fere haec:

I, 2, 18.	c. XXV.	p. 263. 23—25.	IV, 1, 49.	c. XV.	p. 243. 22—24.
— — 18. 19.	—	p. 263. 41. —	— — 52.	—	p. 242. 18—20.
		264. 1.	— — 54.	—	p. 243. 24—26.
— — 22.	—	p. 263. 22.	— — 55—58.	—	p. 244. 5—11.
— 11, 1—3.	c. XXIV.	p. 260. 17—22.	— — 58. 59.	—	— 12—14.
— — 4.	—	p. 259. 30. 31.	— — 61.	—	— 15.
— — 6.	—	— 31—34.	— — 72—75.	—	p. 242. 23—31.
— — 8.	{ —	— 35.	— 2, 24—27.	c. XVI.	p. 246. 37. —
— — 9—11.	—	p. 260. 23. 24.			247. 4.
— — 11. 12.	—	— 39—44.	— — 31.	—	p. 244. 25.
— — 11. 12.	—	— 5—7.	— — 35.	—	— 26. 27.
II, 4, 6.	c. XXV.	p. 263. 12. 13.	— — 40.	—	— 27—30.
— 5, 7. 8.	c. XXVIII.	p. 250. 42—45.	— — 41.	—	p. 245. 4—7.
— 7, 1—3.	c. XXIII.	p. 259. 9—13.	— — 43.	—	— 8.
— 10, 4.	c. XXV.	p. 264. 4—6.	— — 77.	—	p. 246. 11. 12.
— 20, 3. 4.	—	— 15—20.	— — 100.	c. III. §. 3.	p. 200. 33.
III, 6, 30.	c. III. §. 2.	p. 199. 35. 36.	— — 104.	c. XVI.	p. 247. 13—16.
IV, 1, 5. 6.	c. XV.	p. 242. 32—36.	— — 106.	c. XVI.	p. 247. 20.
— — 13. 14.	—	— 36—42.	— — 109. 110.	—	p. 246. 4—7.
— — 14—17.	—	p. 242. 40. —	— — 116—121.	—	p. 247. 21—36.
		p. 243. 7.	— — 132.	—	— 37—40.
— — 20.	—	p. 243. 7. 8.	— 3, 4—13.	c. XVII.	p. 248. 1—24.
— — 28. 29.	—	— 16—19.	— — 15.	—	p. 249. 15—21.
— — 33. 34.	—	— 26—30.	— 4.	c. XIII.	p. 238. 4—39.
— — 34. 35.	—	— 34—39.	— 5, 4—8.	c. XIV.	p. 239. 4—22.
— — 44.	—	— 19—21.	— — 13—16.	—	— 23—33.

IV, 5, 17—22.	c. XIV.	p. 239. 33. —	VII, 8, 4.	c. III. §. 15. p. 207. 30. 31.
— — 28.	—	p. 240. 12.	— — 6.	c. VI. §. 4. p. 221. 27. 28.
V, 1, 2. 3.	c. VI. §. 7.	p. 226. 4—15.	— — 7.	} — — — 24. c. III. §. 15. p. 207. 22.
V, 2. — V, 7, 8.	— §. 8.	p. 226. 16. —	VIII, 3, 56—58.	
— — —	—	228. 13.	— — 64.	p. 255. 22—30.
— 7, 33—37.	—	p. 228. 23—40.	— — 66—73.	— p. 255. 39. —
— 10, 23—31.	c. VI. §. 1.	p. 218. 5—17.	— — —	256. 28.
— — 84.	c. XII.	p. 237. 12.	— 5, 2—4.	— p. 256. 28—40.
— — 95—99.	c. VI. §. 6.	p. 225. 18. —	— — 7. 8.	— p. 256. 40. —
— — —	—	226. 2.	— — —	257. 1.
— — 122, 123.	— §. 8.	p. 229. 1—8.	— — 11—14.	— p. 257. 1—10.
— — 125.	— —	— 10—13.	— 6, 6.	c. XX. p. 251, 37—39.
— 11, 28.	c. VIII.	p. 230. 9—14.	— — 15.	— p. 252. 5.
— 13, 22.	c. XV.	p. 243. 30—32.	IX, 2, 65—72.	c. XXI. p. 253. 32. —
— 14, 11.	c. VII.	p. 229. 25. 26.	— — —	254. 18.
— — 13.	c. IX.	p. 231. 41. —	— — 75.	— p. 254. 19—21.
— — —	—	232. 3.	— — 93. 94.	c. XXII. p. 255. 4—14.
— — 20—23.	c. XII.	p. 236. 28. —	— 3, 1.	— — 14—18.
— — —	—	237. 1.	— — 4.	— — 19—21.
— — 25.	c. IX.	p. 231. 34—39.	— 4, 37.	c. XX. p. 252. 32—34.
— — 30.	c. X.	p. 233. 4—7.	XI, 2, 36. 37.	c. XXIII. p. 259. 15—20.
— — 33.	c. XIV.	p. 241. 22—24.	— 3, 6.	c. XXIV. — 23. 24.
— — 34. 35.	—	— 34—41.	— — 28. 29.	— p. 260. 24—34.
VII, 1, 5.	c. II.	p. 199. 8—10.	— — 41. 42.	— — 35—39.
— — 6. 7.	—	— 10—23.	— — 57—59.	— p. 261. 22—30.
— 2, 13.	c. III. §. 2.	p. 200. 22.	— — 53.	— — 32—34.
— 4, 7. 8.	— §. 8.	p. 204. 4—8.	— — 81.	— p. 260. 45. —
— 6, 5.	— §. 14.	p. 207. 11. 12.	— — —	261. 2.
— — 6.	— —	— 6—8.	— — 86. 87.	— p. 261. 2—12.
— — 7. 8.	— —	— 12—18.	— — 104.	— — 13.
— 8, 2.	— §. 3.	p. 201. 20—23.	— — 114—116.	— — 13—22.
— — 3.	— §. 15.	p. 207. 20—25.	XII, 5, 1—4.	c. XXV. p. 263. 26—41.
— — 3. 4.	— —	— 26—28.		

Ex hac ipsa enumeratione locorum laudatorum, quanta libertate Victor grassatus fuerit, qui modo hinc modo illinc, quidquid aptum videbatur, ex scriptis Quintiliani decerpebat, nunc eum fide prosecutus, nunc in pauca verba argumentum totarum paragraphorum contrahens, satis patet. Admodum raro, ex quo fonte hauserit, addit, saepissime etiam peculiaris Quintiliani iudicia tanquam

sua venditat. Quum nonnulli loci veluti c. XXI. de *figuratis*, pars capitis XXII. de *obliquitate* et c. XXIV. de *promunciatione* fere ad verbum descripti sint, alii, ne dicam plurimi, liberius repetuntur, in quibus verba, quae jam minus usitata erant, aut ex alia qualicunque causa explicatione egere videbantur, cum aliis commutantur, alia omittuntur, alia adiunguntur. Quae quum ita sint, tamen, quid sit Quintiliani, quid Victori debeat, plerumque discernere et probabiles adeo egregias nonnullas ejus lectiones in nostrum usum ad Quintilianum explicandum sanandumque convertere licet. Videmus enim libros vel librum, ex quo Victor hausit, optimis adnumerandum esse et ex diligentissima omnium locorum comparatione ejus scripturam maxime cum Ambr. I. Bamb. Flor. Par. I. II. consentire apparet. Complures loci reperiuntur, in quibus solus adhuc veram lectionem exhibet, quam eo minus sequi dubitaverim, quod vel post egregiam vv. dd. curam atque diligentiam multis et gravibus vitis laborare nunc quoque Quintilianum mihi persuasum est. Quid? quod etiam complures conjecturae, quae quin admodum probabiles essent, vix quisquam dubitavit, primum per Victorem comprobatae atque confirmatae sunt? Etenim Regii, qui V, 3, 1. pro *vulgarium vulgantium* scripsit, Obrechtii et Spaldingii V, 7, 35. ubi Regius pro *contra parte divinationem* conjecit *partem divinationis*, quem secuti Gryphius *partis divinationis*, denique Obrechtus *partes divinationis* scripserunt, Spaldingius praeterea pro *contra* suspensus est *circa* (quod etiam Par. I. comprobatur) denique ejusdem Spaldingii, qui XI, 3, 28. pro *alas* vel *alia* vel *aliis* maluit scribi *alias*. His licet adiacere *elato* V, 14, 33. quod pro *lato* a me (Z. f. A. W. 1856. p. 126.) propositum, nunc demum eadem auctoritate commendari cognovi.

Quare etiam ob hanc rem Bonnello maxima laus tribuenda est, qui primus haud paucis locis ex Victore fere solo verum restituit. Sic rectissime virum doctissimum judicasse censeo IV, 4, 3. ubi Ambr. I. et Victorem potissimum secutus, apud quem legitur: *Nonnunquam valde utilis est propositio, ubi*, scripsit: *Nonnunquam vero valde utilis est, ubi*.

Non minus autem probandum est, quod Bonnellus ex eodem IV, 3, 5. *spiritu* delevit, IV, 3, 15. *omnis amplificatio, minutio* scripsit, quum *minutio* non solum Bamb. et Laesh. aperte comprobetur, sed etiam Guelf. commendari videatur, qui praebet *in initio*. Laudanda etiam mutata verborum collocatio V, 5, 2. atque rectissime IX, 2, 69. *hoc*, IX, 2, 94. *ut ante necio quid illud inseruit*, IX, 3, 1. *omnes* delevit, XI, 3, 59. *quisquam* retinuit. Neque spernendum videtur, quod VIII, 3, 67. *et ante urbium* addidit, deinde quod XI, 3, 87. *supplicantes* post *inhibent* delevit, denique difficiliorem locum XI, 3, 115. ita constituit, uti praeter bonos libros mscr. etiam Victor commendat.

Minus autem viro doctissimo assensio, quod IV, 3, 5. hunc et deteriores quosdam codices secutus scripsit: *Nihil enim tam est consequens, quam narrationi probatio, nisi excurrens ille vel quasi finis narrationis vel quasi initium probationis est*. Equidem, quum in Turic. Flor. scriptum sit: *nisi excurrens ille vel quasi initium*, in Ambr. I. autem haec lacuna ita expleatur, ut legatur *nisi excurrens ille vel egressio quasi initium*, in hac praestantissimi codicis lectione acquiescendum esse censeo.

V, 14, 22. ex libris Quintiliani, qui maxime inter se differunt, nihil aliud scribi posse

existimo, quam id, quod jam Regius eruit: *Connexio aut vera e. q. s.* neque ulla mutandi causa *evadere* videtur.

Neque ea, quae v. d. V, 14, 30. VIII, 3, 70. VIII, 5, 2. IX, 2, 98. XI, 3, 86. secundum Victorem mutavit, mihi persuasit, in his igitur locis eam, quae Quintiliani libris commendatur, lectionem praefero, praeterquam quod VIII, 5, 2. pro *crebra crebrae* scribi idque referri malim ad sententias, id quod verbis, quae paulo post sequuntur, his: „Ideoque mihi et de generibus *earum* et de usu arbitror pauca dicenda“ comprobari videtur. Utrum denique XI, 3, 104. scribendum sit *demonstrare aliquid an demonstrare aliquem* in medio reliquam.

Sunt etiam alii pauci quidam loci, quos eundem e Victoris auctoritate restituendos esse existimo. Ac primum quidem IV, 5, 14. magnopere offendit quod, quum reliquorum verborum futuro natur scriptor, eodem perfecto usus est atque scripsit *putavit*. Operam autem perditurum esse censeo, si quis hoc defendere conatus acriter, cur ita potissimum dixerit, comprobare voluerit. Etenim plane aliena est a Quintiliano haec in rebus parvis inanis subtilitas. Quare id, quod necessarium est et facillime restitui potest, insuper autem apud Victorem invenitur, *putabit*, recipiendum videtur.

Ex optimorum librorum auctoritate Bonnellus V, 6, 3. scripsit: — *cum etiam philosophi quidam sint reperti, qui deos agere rerum humanarum curam negant*, quum antea legeretur atque etiam apud Victorem legatur *negarent*. Non autem h. l. suam quandam opinionem Quintilianus in medium profert, sed, ad quod orator provocare possit, explicat: plane igitur hoc e mente atque sententia alius cujuslibet dictum est. Ob hanc causam eundem *negant* minus probo, sed scribendum esse censeo *negent*. Idem statuendum videtur esse II, 16, 2. ubi scribi malim *valeat*.

Suo jure Spaldingius V, 10, 123. quum explicaverit verba *ipsa res* et „locorum singulorum excursionem“ intelligendam esse dixerit, ea „parum definite posita“ sibi displicere addit atque suspicatur scribendum esse: *haec ipsa res*. Simplicior atque meo judicio verisimilior sanandi ratio ea est, quam Victor c. VI, §. 8. p. 229. 8. indicat, ubi ita scribitur: *Infinitem enim et inutilem faciat ista res dicendi tarditatem*. Hoc idem verbum *ista* etiam apud Quintilianum longe mihi praefereendum videtur.

Paulo difficiliorem existimo questionem esse VII, 8, 2. in his verbis: *Sit enim lex: Venefica capite puniatur. Saepe secubanti amatorium dedit* e. q. s. Etenim haec verba plane intelligi non possunt, conjectura potius, quid eis voluerit explicare Quintilianus, consequendum est: deest subjectum verbi *dedit*, neque, quae sit persona intelligenda in verbo *secubanti*, adjicitur: ut facile suspiceris, pauca verba incuria librariorum excidisse. Haec autem ab eodem Victore servata esse arbitror, apud quem c. III, §. 3. p. 201. 20. *saepe se verberanti* (scribendum est *secubanti*) *marito uxor amatorium dedit*; atque ita apud Quintilianum quoque scribendum est. Causa corruptelae in similitudine verborum *marito* (quod fortasse etiam depravatum erat in *matori*) et *amatorium* posita est, qua facile effici poterat, ut librarius ab altero ad alterum aberraret, ea autem, quae interposita erant, omitteret.

Facilius quidem atque tutius erat Quintiliano duce et auctore permultos, qui adhuc exstant, locos corruptos C. Julii Victoris et invenire et sanare. Quodsi alienum est ab hoc loco diligentius in

eam rem inquirere, tamen ea, quae in lectitando et conferendo hoc scriptore mihi occurrerunt, adjiciam, ita autem, ut in plerisque modo, quemadmodum secundum Quintilianum meo quidem iudicio scribendum sit, indicem. Legendum igitur:

- c. III. §. 3. p. 201. 20. *ut, saepe secubanti marito*
 — §. 14. p. 207. 14. *Aut quon ex ipsis legis verbis argumentamur*
 c. VI. §. 6. p. 225. 24. *si miles, si infans sit;*
 — §. 8. p. 227. 2. *credulitas incrementum afferat;*
 — — — 21. *aut vita se tuebitur,*
 — — — 22. *in qua plus fidei consequetur,*
 — — — 37. *atque id agi, ut in causa, in qua vincere non possit, queri possit.*

Similiter Baiterus p. 226. 31. *querendum pro querendum proposuit.*

- c. XIII. p. 238. 10. *haec, sicut exposui, gesta sunt,*
 c. XV. p. 242. 18. *quid et apud quem*
 c. XVI. p. 247. 26. *nec vero in eundem casum, similem compositionem,*
 c. XXI. p. 254. 18. *Quaedam etiam quae*
 c. XXII. p. 255. 19. *velut asperso quodam condimento.*
 — — 20. *ipsam illam gratiam varietatis auñt.*
 c. XXIV. p. 260. 37. *Ita imus vim non habet,*
 — p. 261. 24. *Quid vero movendis affectibus contrarium magis, quam quum*
 — — 27. *fori sanctitatem* [dolendum
 c. XXV. p. 264. 6. *in quarum exercitationem reperta est.*

Saepe apud Victorem verba quaedam exciderunt, quae si ex Quintiliano addiderimus, certe proxime ad verum accedemus. Itaque scribendum videtur:

- c. VI. §. 8. p. 228. 5. *inimicum contra inimicum*
 c. XV. p. 243. 23. *scire se mirari quosdam, quod*
 c. XVIII. p. 250. 43. *quanta in dividendo prudentia,*
 c. XXI. p. 254. 7. *si non ex verbis dubiis et quasi duplicibus petantur,*
 c. XXII. p. 256. 27. *ea, quae sint obscura, demonstrare.*

Major etiam lacuna est c. III. §. 14. p. 207. 12. quam Orellius ita explere conatus est: *ut in hac lege: capitis rei vinciantur, nequidem ipsis Quintiliani verbis utendum scribendumque esse censet: Liberi parentes alant aut vinciantur; non enim e. q. s.*

Delendum vero est e Cicero et Quintiliano verbum publica c. VI. §. 6. p. 225. 32.

Denique in tribus locis conjectura verum restituere conatus sum, etenim c. I. p. 197. 8. scribendum videtur: *apud se omnium, quae prosint causae quaeque obsint, habita ratione pro alia ratione,* deinde c. III. §. 2. p. 199. 38. *Status hic temporum est; nam quaeritur an fecerit, an faciat, an facturus sit,* ubi scriptum est *faciet*, postremo c. XVI. p. 246. 11. id quod jam notavi ad Quintilianum IV, 2, 77. (Z. I. A. W. 1856. p. 126.) *luxuriam liberalitatis nomine pro hilaritatis.*

2



